

# Mud Volapüka

Nüm 17

29 yulul 2016

---

## Bukemaboed

Fin konota „Glumaladäl“ fa hiel „A. P. Cehov“

„O jäpan, lilol-li atosi? Pläo uflapob särvigi!... If plütotoyöv pö soged bökanik obik, täno mutoy zivegön!... Lielol-li? U lindifol-li pö vöds obas?“

Ed ‚lona‘ plu lilom kas senom tonis flapa su nük.

„Ka-ag...“, smilom. „Hisiörs lefredik... sauni gudik ores!“

„O bökan, imatikal-li?“, lunikan säkom.

„Ob-li? Ka-ag... hisiörs le-efredik! Anu labob te jimatani bal — taili luimülik... Ka-a-ag... Sevabo sepül!... Ekö, son obik ideadom, ab lailifol... Stunabiko, dead ipölon ön yan... Plas ad kömön lü ob, ikömon lü son...“

E ‚lona‘ pödiologom ad konön, vio son oma ideadom, ab otüpo gobadan bosilo seifom e lesagom das, Gode dani, lätiko elükömoms. Elesumölo könädi mö tsyärvonätazims tel, ‚lona‘ lunüpo söloegom mogolön bötidanis nepuböl ini luyal dagik. Dönu binom soelik e dönu pö ob taked süikon... Glumaladäl, brefüpo itakedöl, ai fovo süikon e veitükon blöti ko näm ai gretikum. Logs hiela ‚lona‘ laramio e tomiko mufons vifiko me loged su pöps spido begolons flanis bofik süta: putuvon-li va se mens mils at nemu balan, kel ufidalilonöv omi? Ab

pöps rönons, no sienölo ni omi, ni glumaladäli omik... Glumaladäl tuvemik, no dasevöl miedis. If blöt hiela ‚lona‘ ukräkonöv e glumaladäl useflumonöv de on, täno ufifulükonöv-la voli lölik, ab ye no logoy oni. Äkanon pladikön ini jal pülik kion, das no kanoy ad logön oni ön lelit...

‚lona‘ sienom klinükani ko sak e sludom ad spikotön ko om.

„O cädikan, düp kinik atimo?“, säkom.

„Düp degid... Lü kis itopol iso? Beivabolöd!“

‚lona‘ movabom fagotü steps ömik, blegikom oki e divodikom me glumaladäl... Lecedom ya nefrutiko ad lüikön lü mens. Ab igo minuts lul no epasetikons, estedikom, ejoikülom kapi головой, äsva esenom doli mäpetik, ed etirülom fräni... No kanob plu sufön.

„Lü yad“, tikom. „Lü yad!“

E jevodil, äsif esuemon tikodi oma, primikon trotön. Pos düps bal e laf, ‚lona‘ seadom ya nilü paäl gretik miotik. Su paäl, su glun, su bums mens snokons. Luimülik pö lut... ‚lona‘ logedom menis slipöl, kratom oki e pidom, das egekömom lomio so göliko...

„No idagetom moni saidik igo pro vaen“, tikom. „Klu glumaladäl dabinon. Men nolöl vobi okik... kel ed it binon satik e jevod kela binon satik, utan ai binon kotenik...“

Tö bal gulas bökan yunik löädöm, kvagom slipülo e tenikom lü böket ko vat.

„Vipom-la ad drinön?“, ‚lona‘ säkom.

„Si, drinön!“

„Ekö... No neodob dani... Pö ob, o flenädan, son idedom... Eleliloli? Avigo tö malädanöp... Stunabiko!

‚lona‘ logedom vobed kinik vöds oma ekodons, ab logom nosi.

Yunikan edisnufom oki me teged löliko e ya slipom. Böldikan seifom e kratom oki... Äsä yunikan ävipom ad drinön, leigo desirom ad spikön. Suno vig upasetikan vio son ideadom, ab nog no äspikob ko ek tefü atos... Zesüdos ad spikotön staböfiko... Zesüdos ad konön vio son imalädikom, vio idolikom, kisi ispikom bü deadam, vio ideadom... Zesüdos ad bepenön sepülami e tävi lü malädanöp ad klotem büätana. Tö vilag daut ‚Anisya‘ blebof papladön... Ed tefü of zesüdos ad spikotön... Tefü mödikos voto kanom spikotön anu. Dalilan muton lehagön, seifön, yamön... Ko voms spikotön binon gudikum. Ibä ifi binofs stupans ab yamofs dub vöds ömik.

„Golön va ad küpälön jevodi“, ‚Iona‘ tikom. „Slipön ai okanob... Bo, oslipob saidiko...“

Klotom oki e golom ini लेकर, kö jevod omik stanon. Tikom tefü vaen, sigayeb, tefü stom... No kanom tikön tefü son ven binom soelik... Mögos ad spikotön ko ek tefü om, ab binos nesufoviko ledredodik pö om it ad tikodön e fomälön pö ok magi oma...

„Cuvol-li?“, ‚Iona‘ säkom jevodi okik, logedölo logis nidöl ona. „Cuvolös, cuvolös... Ibo no idagetobs vaeni me vaibam, täno ofidobs sigayebi... Si... Iböldikob ya ad vaibön... Son mutomöv vaibön pla ob... Utan ibinom bökan veratik... Bis lifomöv...“

‚Iona‘ seilom ünü tim anik e fövom.

„Ekö, o jevodil... Hiel ‚Kuzma Ionovic‘ ideadom nen kod semik... Niludolös, samo, labolöv jevodüli as mot... E stedölo, jevodül at deadonöv... Lied-li?“

Jevodil cuvon, dalilon e natemon sui brads mastana lönik...

‚Iona‘ divodom e konon one valikosi...

# Sevols-li, das ...

## Gambiyän



1) Gambiyän (el ‚Gambia‘) binon län smalikün dila kontinänik Frikopa e papladon tö jol vesüdik kontinäna. Län tenon ve bal flumedas gretikün Frikopa el ‚Gambia‘ (danädü kel län igeton nemi okik) e binon lunotik mö kilmets 400. Topäd läna, plä mied melik smalik, löliko pazüon fa Senegalän.



2) Bumäd geilikün cifazifa Gambiyäna el ‚Banjul‘ binon el ‚Arch 22‘ (‚Bobäd 22‘) - mebamal pötü mebazäl voluta yela 1994 (pejonon su magod sus).



3) Cifazif Gambiyäna el ‚Banjul‘ binon bal cifazifas smalikün vola. Igo pö Gambiyän binon te cif folid (se gretiküns degkil) ma mödot belödanas e cif balik Gambiyäna mödot belödanas kela ai läsikon nutimo.

Cifs gretikün Gambiyäna:

Nüm	Cif	Mödot belödanas		Noet
		ün yel 1993	ün yel 2007	
1	Serekunda	194 987	348 118	pilasumon ini el ‚Banjul‘ gretik
-	Kanifing	32 699		pilasumon ini el ‚Banjul‘ gretik
-	Bakoteh	6 594		pilasumon ini el ‚Banjul‘ gretik
-	Kotu	4 419		pilasumon ini el ‚Banjul‘ gretik
-	Kololi	4 416		pilasumon ini el ‚Banjul‘ gretik
2	Brikama	41 761	83 764	
3	Bakau	28 882	48 417	pilasumon ini el ‚Banjul‘ gretik
<b>4</b>	<b>Banjul</b>	<b>42 326</b>	<b>34 125</b>	<b>cifazif</b>

5	Farafenni	20 956	30 839	
6	Lamin	10 668	27 858	
7	Nema Kunku	9 838	25 691	
8	Brufut	8 644	22 573	
9	Sukuta	16 667	16 153	
10	Basse Santa Su	9 265	15 338	
11	Gunjur	9 983	14 646	
12	Wellingara	7 663	11 106	
13	Soma	7 988	10 138	

4) Tö Gambiyän dabinons buidäns (tops natedik) tel, bridöp krokodas teamik, bids bödas plu 500, mused länädik (tö kel züäd lomänanas vönik pistukon rigädio).

5) Gambiyän binon motedalän legitädala ela ,Cödalef krimik bevünetik' jiel ,Fatou Bensouda'.



Säkis, küpetis e lofotis aliks ä materis e volanuns nitediks kanols lüsedön lü penedabog «komunan@yandex.ru».